



Broj/Број: 04/5-50-15-134-14/12
Sarajevo/Сарајево, 14. 10. 2013. godine

INFORMACIJA

sa 59. godišnjeg zasjedanja Parlamentarne skupštine NATO-a,
održanog u Dubrovniku, od 11.-14.10. 2013.

U radu 59. godišnjeg zasjedanja Parlamentarne skupštine NATO-a, održanog u Dubrovniku, od 11.10. do 14.10. 2013. godine, učestvovali su: Milorad Živković, predsjedavajući i Asim Sarajlić, član Delegacije Parlamentarne skupštine BiH u NATO PS.

11. 10. 2013. godine

Održan je sastanak sekretara Delegacija sa sljedećim dnevnim redom:

1. Upoznavanje sa planom rada Godišnje konferencije NATO PS,
2. Informacija o rezultatima sastanka sekretara Delegacija koji je održan u Luxemburgu, Luxemburg 17. 5. 2013. godine
3. Informacija o pripremljenim materijalima za potrebe održavanja Godišnje konferencije,
4. Informacija o rasporedu rada Komiteta,
5. Priprema za održavanje sastanaka i konferencija NATO PS u 2014. godini
 - Rose-Roth seminar u Bosni i Hercegovini, 18.- 20. mart 2014. godine
 - Proljetno zasjedanje NATO PS, Vilnius, Litvanija, 30.05.- 02.06. 2014.
 - Godišnja Konferencija NATO PS, Hag , Kraljevina Holandija, 21-24. 11. 2014.godine,
 - Sastanci tokom 2014. godine
6. Saradnja između Delegacija i Međunarodnog Sekretarijata.

U popodnevnim satima je održana Plenarna sjednica NATO PS.

Plenarnoj sjednici je prisustvovala Delegacija PS BiH u NATO PS. Tokom plenarnog zasjedanja izlaganje su imali:

- gospodin Hugh Bayley, predsjedavajući NATO PS,
- gospodin Ivo Josipović, predsjednik Republike Hrvatske,
- gospodin Josip Leko, predsjednik Sabora Republike Hrvatske
- gospođa Vesna Pusić zamjenica premijera Vlade Republike Hrvatske i ministrica vanjskih poslova RH.

Anders Fogh Rasmussen, generalni sekretar NATO, je nakon svog izlaganja odgovarao na postavljena pitanja stalnih i pridruženih delegacija NATO PS.

U večernjim satima je održan sastanak Delegacije PS BiH u PSNATO. Članovi Delegacije upoznati su sa programom rada Godišnje konferencije i zaključcima sa sastanka sekretara Delegacija.

12.10. 2013. godine

Prema utvrđenom planu se odvijao rad 59. godišnjeg zasjedanja NATO PS. Prije početka rada Komiteta održani su sastanci političkih grupacija Konzervativaca i Kršćanskih demokrata, Alijanse liberala i demokrata i grupacije Socijalista. Na pomenutim sastancima su razmijenjena mišljenja o temama koje su predviđene za raspravu tokom Proljetnog zasjedanja.

Održani su sastanci Komiteta:

- Komitet za civilnu dimenziju sigurnosti,
- Komitet za odbranu i sigurnost
- Komitet za ekonomska i sigurnosna pitanja
- Komitet za politička pitanja,

- Komitet za civilnu dimenziju sigurnosti,

U radu Komiteta su učestvovali Milorad Živković i Asim Sarajlić.
Radom Komiteta je predsjedavala Ulla Smidht, SR Njemačka.

Tokom rada Komiteta održane su rasprave o temama:

- Poticanje demokratske transformacije u tzv. MENA regiji,
- Gruzija i evroatlanske integracije: unutrašnji i vanjski izazovi
- Prijedlog rezolucije: Unapređivanje stabilnosti i evro-atlanskih izgleda Zapadnog Balkana

Nacrt specijalnog izvještaja o Zapadnom Balkanu je prezentirao Vitold Vašikovski, Poljska-specijalni izvjestilac. Stanje u Bosni i Hercegovini je prezentirano pod naslovom: „Bosna i Hercegovina: prevazilaženje dubokih podjela“. Iako je tokom Proljetnog zasjedanja NATO PS prezentiran Nacrt izvještaja, ponovo je u kratkim crtama prezentiran istorijat, BiH politička scena, uloga međunarodne zajednice i evroatlanske integracije, uloga Ureda Visokog predstavnika, Put Evropskih integracija i Odnosi BiH sa NATO.

Milorad Živković je uzeo učešće u raspravi o Nacrtu izvještaja Specijalnog izvjestioca i raspravi o Prijedlogu rezolucije.

13. 10. 2013. godine

Održani su sastanci Komiteta na kojima su članovi Delegacije PS BiH uzeli učešće:

- Komitet za civilnu dimenziju sigurnosti,
- Komitet za nauku i tehnologiju
- Komitet za odbranu i sigurnost

Komitet za civilnu dimenziju sigurnosti

U radu Komiteta je učestvovali su Milorad Živković i Asim Sarajlić.
Radom Komiteta je predsjedavala Ulla Smidht, SR Njemačka.

Tokom rada Komiteta nastavljena je rasprava o temama iz prethodnog dana. Obavljeno je glasanje o tekstu Prijedloga rezolucije: Unapređivanje stabilnosti i evro-atlanskih izgleda Zapadnog Balkana. Prijedlog rezolucije je usvojen i proslijeđen na Plenarno zasjedanje NATO PS.

14.10. 2013. Godine

Održana je druga plenarna sjednica NATO PS.

Završna izlaganja su imali:

Josip Leko, predsjednik Sabora Republike Hrvatske

Bert Koenders, specijalni predstavnik Generalnog sekretara UN i Šef UN Misije u državi Mali.

Hugh Bayley, predsjednik NATO PS.

Nakon završnih izlaganja usvojene su sljedeće rezolucije:

- Poboľšanje načina preživljavanja kopnenih snaga NATO;
- Nove ideje po pitanju snadbjevanja NATO snaga energijom: jačanje odgovornosti, smanjenje zahtjeva i sigurno snadbjevanje;
- Ekonomske i stratejske implikacije za nekonvencijalnu revoluciju u proizvodnji gasa i nafte;
- Porast strateških relacija u odnosima Azija-Pacifik i implikacije po NATO;
- Održiva ekonomska i politička stabilnost i sigurnost u Avganistanu tokom 2014. i dalje;
- Unapređivanje stabilnosti i evro-atlanskih izgleda Zapadnog Balkana
- Kriza u Siriji: Posljedice za region i šire.

Izveštaj sačinio
Željko Grubešić

PREDSJEDAVAJUĆI DELEGACIJE
Milorad Živković

Prilog: tekst rezolucije pod nazivom: Unapređivanje stabilnosti i evro-atlanskih izgleda Zapadnog Balkana